

یوہ آکا شوانی جموں ہے عیبدالرحمان تیں خیر سُنو۔

LG FAKE NARRATIVE

لیفٹیننٹ گورنر منوج سنہا نے جموں کشمیر غے اندر دشمن عناصر غی طرفوں چلایا گیا غلب نظریات غا پھیلاو نانہہ روکن خاطر جدید تکنیکاں گا استعمال ور زور پایو ہے سرینگر مانہہ پولیس یاد گار تہاڑہ گا موقعہ ور خطاب غے دوران ایل جی موصوف نے کہیو کہ جدید تکنیکاں تے ایجادات نال پولیس غو کم کاج مزید بہتر تے مضبوط وے تے اس نال غلب معلومات ناہ پھیلن تیں روکیو جاسکے گزشتہ 5 براں مانہہ جموں کشمیر یوٹی غے اندر آئی تبدیلیاں غو ذکر کرتاواں ایل جی موصوف نے امن بحال رکھن ور زور پایو تے کہیو کہ اس گل نانہہ یقینی بنایو جے کہ کسے وی علیحدگی پسند عناصر نانہہ جموں کشمیر غے اندر امن تے ترقی غا ماحول مانہہ خلل پان غی اجازت نانہہ دتی جے۔

SCRUTINY BY POLLS

اج نگر وٹہ تے بڈگام اسمبلہ نشستیں واستے جمع کرایا گیا نامزدگی دستاویزات غی جانچ پڑتال کی جیغی ان حلقاں مانہہ 11 نومبر نانہہ انتخابات کرایا جیئیں گا مذکورہ اسمبلی حلقاں وستے گل 33 امیدواراں نے اپنا نامزدگی کاغذات جمع کرایا ہیں آکاشوانی جموں غا نمائندہ نے خبر دتی ہے کہ 27 بڈگام اسمبلی نشست وستے 20 امیدواراں نے اپنا نامزدگی کاغذات جمع کرایا ہیں تے نگر وٹہ 77 نشست وستے 13 امیدواراں نے نامزدگی کاغذات جمع کرایا ہیں اس ضمن مانہہ خواہش مند مذکورہ امیدوار 24 اکتوبر تک اپنی امیدوارہ منسوخ کراسکیں تے اپنا نامزدگی کاغذات واپس لے سکیں۔ 11 نومبر نانہہ کرایا جان آلا انتخاب تیں بعد 14 نومبر نانہہ ووٹاں غی گنتری کی جے غی اس سلسلہ مانہہ تمام متعلقہ اتھارٹی مذکورہ اسمبلی حلقاں مانہہ احسن طریقہ نال انتخابات کران خاطر تمام تیاریاں نانہہ مکمل کر رہی ہیں۔

LA SESSION PREP

جموں کشمیر قانون ساز اسمبلی سرینگر مانہہ آئیندہ کل تیں 9 دنان غو سرمائی اجلاس شروع کر رہی ہے اس ضمن مانہہ تمام تیاری مکمل کر لی گئی ہیں تے یوہ اجلاس 23 اکتوبر تیں 31 اکتوبر تک جاری رے غو اسمبلی اسپیکر عبدالرحیم راتھر غی طرفوں جاری کلینئر غے مطابق سرمائی اجلاس غی شروعات گزشتہ اجلاس تیں حالیہ اجلاس تک جن شخصیات غی موت واقعہ ہوئی ہے اُن نانہہ خراج عقیدت پیش کر غے کیو جے غو تے اجلاس غے دوران دیگر معاملات وستے 6 دن مختص رکھیا گیا ہیں اس سرمائی اجلاس مانہہ مرکزی زیر انتظام جموں کشمیر علاقہ غے اندر عوامی فلاح وبہبود غا کئی معاملات تے اہم ترقیاتی کماں ور بحث مباحثہ غی امید کی جارہی ہے۔

GALANTARY CITATIONS

مرکزی سرکار نے گیزٹ نوٹفیکیشن جاری کیو ہے جس مانہہ دفاعی شعبہ مانہہ نمایاں کارکردگی پیش کرن آلا افراد تیں علاوہ آپریشن سندھور مانہہ پیش پیش رہن آلا افراد نانہہ گلینٹری انعام وستے نامزد کیو گیو ہے اس ضمن مانہہ کرنل کوشک لامبا نانہہ اگ غے تھلے بے مثال بہادری غو مطاہرو کرن ور ویر چکر نال نوازیو گیو ہے اسے طرح دہشت گرداں گا کیمپاں نانہہ تباہ کرن ور لیفٹیننٹ کرنل سوشیلیشٹ ناہ وی ویر چکر نال نوازیو گیو بھارتیہ فضائیہ مانہہ گروہ کپٹن رنجیت سنگھ سدھو نانہہ لیڈنگ پریسائز سٹرائیک مشن انعام دتو گیو جد کہ گروپ کپٹن انیمیش پٹنی کامیاب زمین تیں فضائی میزائل آپریشن وستے انعام نال نوازیو گیو اس تیں پہلاں صدر جمہوریہ دروپدی مرمو نے سی اے پی ایف جواناں تے دیگر فوجی دستاں وستے 127 گلینٹری انعامات تے دیگر خدمات خاطر 40 دوجا انعامات دین نانہہ منظوری دتی تھی۔

PM MKB

وزیر اعظم نریندر مو دی مُلک تے بیرون مُلک رہ رہیا بھارتی شہریاں سنگ آئندہ 26 اکتوبر نانہہ آکا شوانی ور من کی بات پروگرام مانہہ اپنا خیالات سانجہ کریں گالیہ ماہوار ریڈیو پروگرام غی 127 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کر سکیں۔ اس توں علاوہ نریندر مو دی ایپ یاہ فر مائی گو اوپن فورم ور وی اپنا خیالات تے تجویز روانہ کی جا سکیں یہ تجویز اس مہینہ غی 24 تاریخ توڑی ہی قابل قبول وین گی۔

DIWALI CELEBRATION

روشنی غو تہوار دیوالی جموں کشمیر مانہہ سمعوار تے منگلار غے روز برا جوش و خروش نال منایو گیو اس دوران گھراں گھراں تے دوکاناں نانہہ رنگا رنگ روشنی نال سجایو گیو تے بچاں تے

نوجواناں نے دیر رات تک پٹاخے بازی کی ان دناں مانہ لوکاں نے کوچ خدی و فروخت کی تے دیوالی غا موقعہ ور ماتا لکشمی غی پوجا کی گئی لالا چوک سرینگر مانہ وی دیوالی غا موقعہ ور سینکڑاں غی تعداد مانہ دیا جلايا گیا تے آپسی اتحاد تے بھائی چارہ گو پیغام عام کیو گیو۔ اس تہوار نے بکھ بکھ طبقاں گا افراد نانہ جوڑیو تے پورا جموں کشمیر غے نادر دیوالی غی تقریبات نے آپسی بھائی چارہ غا پیغام نانہ مزید مضبوطی فراہم کی ہے۔

RETAIL SECTOR GST

بھارت غے اندر نوراتری تیں دیوالی تک ریٹیل سیکٹر نے ریکارڈ فروخت درج کرائی ہے اس دوران 5.4 لکھ کروڑ روپیاں غی اشیاء خریدی گئی تے 65 ہزار کروڑ روپیاں غی خدمات حاصل کی گئی سی اے آئی ٹی غی طرفوں قومی سطح ور کرایا گیا شروے گزشتہ سال غے مقابلے اس سال اشیاء غی فروخت مانہ 25 فی صد غو اضافو ہووے ہے ضلع ریاسی تیں ایک کاروباری نے ٹیکس ٹائیل الیکٹرانٹ تے دیگر گھریلو استعمال غی اشیاء غی خدی مانہ بڑھوتری غی رپوٹ دتی ہے۔

NEWS READ BY ABAID UR REHMAN

NEWS EDITOR ABHILASHA SHARMA

DEO NUSRAT

SKILLED TARSEM

TECH ASST PALLAVI